

## Presentan no Concello de Baiona 1.454 sinaturas a prol dunha ludoteca no Burgo.

Escrito por Redaccion @valminorinfo  
Martes, 20 Marzo 2012 21:29

---



A recollida de sinaturas a prol da instalación dunha ludoteca nas vellas instalación da Escola Municipal do Burgo, acadou 1.1454 firmas que foron entregadas este mediodía no Concello de Baiona. A campaña xurdiu a partir dunha decisión do pleno municipal que quería converter a escola recentemente pechada, nun centro de lecer e ocio veciñal.

Os veciños mobilizados entenden que a ludoteca cumpre cun servizo social básico para moitas familias á hora de poder aceptar ou procurar traballo dados os problemas de flexibilidade horaria dos que dispoñen ao ter que facerse cargo dos cativos ou depender de terceiros para facerse cargo.

A iniciativa xurde a raíz da noticia publicada por valminor.info sobre o peche e cambio dos usos da Escola Infantil de O Burgo acordada no último pleno municipal. A corporación municipal acordaba o uso das instalacións como "centro social, cultural ou de ocio para os veciños". Por este motivo Sonia Pereira, nai e veciña de Baiona, tomou a iniciativa de impulsar unha campaña en Facebook de recollida de sinaturas para recoller apoios e poder volver a presentar a solicitude ante o concello de Baiona e a Xunta para que estuden a proposta.